

literis foundationis Monasterii Bittring / quod in Carnis est, allegatur. (d) Magdalena de Khûenburg Johanni Kevenhüllero nuptum collocata est An: 1332. (e) Simon de Khûenburg Anno 1380. claruit. (f) Fridericus de Khûenburg à quo Bucelinus *P. II. Germ.* tabulam orditur, Anno 1400. in vivis fuit, & Nobilem foeminam è genere Steyrbergiorum (von Steyerberg) ultimam suæ Stirpis in matrimonio habuit, (g) hujusque connubii intuitu à Friderico IV. Imperatore insignia Steyerbergia ferramentum ostii in scuto transversim secato & nigro colore atque argento tincto, nactus est, quod Illustris Baro de Kainach in hunc sensum annotavit: Der lezt von Steyerberg ist ein Abbt zu Bittring gewesen / der hat Kayser Friederichen den Dritten beten / daß Er sein Wappen / den schwarzen und weissen Thür. Angel / denen von Khûenburg solt geben. (h) Burckhardus de Khûenburg Neapolim Austriæ urbem & Cor-Neo-burgum contra Mathiam Hungariæ Regem Anno 1490. strenuè defendit, & cives in fide servavit. (i) De Wolffgango autem Khûenburgio Statuum Austriæ Archivum testatum facit, eum literas Eberstorffianas Anno 1515. suo Sigillo munivisse. (k)

(a) Manuscriptum Bar. Kainachii. (b) Ibi. (c) Ibi. (d) Ibi. (e) Ibi. (f) Ibi. (g) Ibi. (h) Ibi. (i) Ibi. (k) Archivum Statuum Austriæ num. 3593.

CAPUT LXII.

COMITES DE SPAUR.

IN Tyrolensi Nobilitate à multo tempore claruit Incluta Spaurerorum Comitum Stirps. Archivum Austriæ Statuum Mathiam de Spaur Equitem Hæreditarium Pincernam Tyrolis allegat, qui Wolffgango Rückendorffio (cujus Familia pridem extincta, nihil commune cum hodiernum superstite Illustri Rogendorffiorum stirpe habuit) in negotio quodam Anno 1463. testis adstitit. (a) Idem Matthias de Spaur vendidit domum suam in Nova Civitate Austriæ sitam Christophoro Domino de Pottendorff Anno 1464. (b) Stephani de Uttendorff gentis suæ ultimi testamentum Sigillo suo corroboravit idem Matthias Spaurius Anno 1495. dictus in diplomate illo der Wohlgebohrne Herz Matthias von Spaur / Erb. Schenk zu Tyrol. (c) Sigismundus de Spaur, Dominus in Hoheneck coram Commissione à Leonhardo Domino de Vels supremo Capitaneo & Burggravio Tyrolensi adornata, controversias omnes cum Ottilia de